



Služba za ekonomski razvoj, poduzetništvo i poljoprivredu

Broj: 04-11-10952-2/2025 NK

Tuzla, 05.09.2025. godine

PREDMET: Program raspodjele sredstava za podršku projekata organizacija iz oblasti poljoprivredne proizvodnje, za 2025. godinu;

U Budžetu Grada Tuzla za 2025. godinu, na poziciji „Grant organizacijama iz oblasti poljoprivredne proizvodnje“, planirana su sredstva u iznosu od **20.000,00 KM**.

Članom 21. Odluke o izvršavanju Budžeta Grada Tuzla za 2025. godinu („Službeni glasnik Grada Tuzla“, broj: 3/25 i 4/25), utvrđeno je da se sredstva na navedenoj poziciji raspoređuju na osnovu Programa raspodjele sredstava, donesenih od Pomoćnika gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 07/20, 05/21, 4/22, 2/24 i 3/25), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja, fondacija i privredne komore), koji se kandiduju putem javnog poziva, tako su u Budžetu Grada Tuzle za 2025. godinu namjenski planirana i pozicionirana sredstva Grant organizacijama iz oblasti poljoprivredne proizvodnje.

Na osnovu člana 4. ove Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Grant organizacijama iz oblasti poljoprivredne proizvodnje – ekonomski kod 614311/17, za 2025. godinu, broj: 04/11-10952-2025, od 10.07.2025. godine, kojim su, između ostalog, određena sektorska područja, odnosno prioritetne podoblasti, prihvatljive aktivnosti i fokus projekata neprofitnih organizacija koji se kandiduju putem javnog poziva, ciljne grupe prema kojim su usmjerene projektne aktivnosti, minimalni i maksimalni iznos pojedinačne podrške krajnjih korisnika u oblasti poljoprivrede i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi međusobne saradnje i podsticanja održivog dijaloga, u funkciji unapređenja i razvoja sektora poljoprivrede, koji je definisan kao bitan segment ukupnog lokalnog ekonomskog razvoja Grada Tuzle, a putem korisnika prema kojima će se usmjeriti kandidovani projekti.

Putem javnog poziva, koji je bio otvoren od 11.07.2025. do 01.08.2025. godine i objavljen na službenoj internet stranici Grada Tuzle, a obavještenje o objavljenom javnom pozivu je preuzeto i od lokalnih elektronskih medija, iz sredstava sa pozicije Grant organizacijama iz oblasti poljoprivredne proizvodnje, blagovremeno je zaprimljeno sedam aplikacija. Blagovremeno pristigli projekti su komisijski pregledani i spram propisanih kriterija i podkriterija adekvatno ocijenjeni od strane Komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu.

Radi se o projektima koje su kandidovali: Pčelarsko društvo „Nektar“ Tuzla, za projekat „Instalacija oplodne stanice i edukacija za proizvodnju autohtonih matica pčela“, Udruženje građana „FARM“ Tuzla, za projekat „Naše je pravo hraniti se zdravo“, Udruženje proizvođača povrća u zaštićenom prostoru „OAZA“ Tuzla, za projekat „Proizvodnja povrća u zaštićenom prostoru“, Udruženje proizvođača i otkupljivača „EKOPRO“ Dragunja, za projekat „Proizvodnja zdrave hrane“, Udruženje poljoprivrednika BiH – Udruženje poljoprivrednika TK, za projekat „Tradicionalni BH proizvodi i usluge u funkciji ruralnog razvoja, Udruženje

poljoprivrednih proizvođača „BERRY“ Živinice, za projekat „Ekonomsko osnaživanje mladih i marginalizovane skupine u poljoprivredi“ i Udruženje građana pčelara Tuzla, za projekat „Škola pčelarstva i api-terapije“.

Komisija za ocjenu i vrednovanje kandidovanih projekata, ocijenila je da pet naprijed navedenih projekata, ispunjava uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije – „Grant organizacijama iz oblasti poljoprivredne proizvodnje“, – ekonomski kod 614311/17, za 2025. godinu.

Aplikacija, Udruženja proizvođača i otkupljivača „EKOPRO“ Dragunja, za projekat „Proizvodnja zdrave hrane“ isključena je iz daljeg razmatranja jer nisu ispunjeni uslovi iz javnog poziva i to:

- Projektom predviđeni administrativni troškovi (ljudski resursi, putovanja/prevoz i kancelarijski troškovi) koji prelaze 20% ukupnih troškova projekta,
- Udruženje proizvođača i otkupljivača „EKOPRO“ Dragunja u prethodnoj godini nije realizovalo aktivnosti koje proizlaze iz Ugovora broj: 04-11-13041, od 30.08.2024. godine, jer je od ukupno odobrenih sredstava u iznosu od 3.000,00 KM, dokazan namjenski utrošak za iznos od 1.093,65 KM, dok su za razliku od 1.906,35 KM dostavljeni dokazi o nenamjenskom utrošku, koji nisu prihvaćeni, te je navedeni iznos Korisnik vratio u Budžet Grada Tuzle.

Aplikacija, Udruženja poljoprivrednih proizvođača „BERRY“ Živinice, za projekat „Ekonomsko osnaživanje mladih i marginalizovane skupine u poljoprivredi“ je isključena iz daljeg razmatranja jer nisu ispunjeni uslovi iz javnog poziva i to:

- Projektne aktivnosti ne provode na području Grada Tuzle,
- Rješenje o upisu Udruženja u Registar udruženje Tuzlanskog kantona, nije validno. Kao predsjednik Udruženja na Rješenju broj: UPI-06/1-05-005789/15, od 13.03.2015. godine upisan je Dedić Almir, a na svim dokumentima/prilozima dostavljenim na Javni poziv kao ovlaštena osoba i predsjednik Udruženja navodi se Medina Husejnović. Trebalo je dostaviti novo Rješenje Ministarstva pravosuđa i uprave Tuzlanskog kantona sa izvršenim upisom promjena.

Komisija za ocjenu i vrednovanje kandidovanih projekata, primjenjujući utvrđene kriterije ocijenila je da pet projekata ispunjava uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Grant organizacijama iz oblasti poljoprivredne proizvodnje – ekonomski kod 614311/17, za 2025. godinu, broj: 04/11-10952-2025, od 10.07.2025. godine, te da su kandidovani projekti fokusirani na ostvarivanje ciljeva u prioritetnoj oblasti-poljoprivreda, definisanih istim Programom.

Nakon što su adekvatno vrednovani, pet projekata uvršteno je u **Program raspodjele sredstava za podršku projekata organizacija iz oblasti poljoprivredne proizvodnje**, za 2025. godinu (u daljem tekstu: Program), koji je prikazan u sljedećem tabelarnom pregledu.

Program raspodjele sredstava za podršku projekata organizacija iz oblasti poljoprivredne proizvodnje za 2025. godinu

RB	Nosilac realizacije projekta	Naziv projekta	Iznos finansijskih sredstava (KM)
1.	Pčelarsko društvo „NEKTAR“ Tuzla	Instalacija oplodne stanice i edukaciju za proizvodnju autohtonih matica pčela	5.000,00
2.	Udruženje građana „FARM“ Tuzla	Naše je pravo hraniti se zdravo	4.000,00
3.	Udruženje proizvođača povrća u zaštićenom prostoru „OAZA“ Tuzla	Proizvodnja povrća u zaštićenom prostoru	3.000,00
4.	Udruženje poljoprivrednika BiH - Udruženje poljoprivrednika TK	Tradicionalni BH proizvodi i usluge u funkciji ruralnog razvoja	5.000,00
5.	Udruženje građana pčelara Tuzla	Škola pčelarstva i api-terapije	3.000,00
	UKUPNO		20.000,00

Ovim Programom, za predviđene oblike podrške iz prihvaćenih projekata, raspoređena su sredstva u iznosu od **20.000,00 KM**.

Implementacijom prihvaćenih projekata iz programa raspodjele obezbijedit će se postizanje ciljeva u okviru prioritetne oblasti - poljoprivreda, i to: očuvanje dostignutog nivoa i obima poljoprivredne proizvodnje u do sada podržavanim vrstama proizvodnje, razvoj i očuvanje seoskih područja, pružanje podrške

poljoprivrednim proizvođačima u edukaciji, zastupanju interesa poljoprivrednih proizvođača, podizanje nivoa svijesti i animiranje za bavljenje poljoprivrednom proizvodnjom, unapređenje plasmana poljoprivrednih proizvoda i promocija domaće poljoprivredne proizvodnje i mogućnosti ruralnog razvoja.

Prema Odluci o izvršavanju Budžeta Grada Tuzla za 2025. godinu, sredstva raspoređena ovim Programom, mogu se realizovati nakon što Program, usvoji Pomoćnik gradonačelnika za Službu za ekonomski razvoj, poduzetništvo i poljoprivredu.

Krajnji rok za realizaciju Programa, odnosno implementaciju planiranih aktivnosti iz prihvaćenih projekata, je 31.12.2025. godine.

Sredstva ovog Programa će biti doznačena odabranim implementatorima, odnosno nosiocima realizacije projekata, u jednokratnom iznosu, nakon obostranog potpisivanja ugovora o regulisanju međusobnih odnosa u vezi realizacije sredstava raspoređenih Programom, uz obavezu da Službi za ekonomski razvoj, poduzetništvo i poljoprivredu Grada Tuzla dostave narativni i finansijski izvještaj sa pratećom dokumentacijom kojom se dokazuje namjenski utrošak doznačenih sredstava.

Nakon realizacije Programa ova Služba će pripremiti i prezentirati Gradonačelniku i Gradskom vijeću Tuzla, informaciju o realizaciji i korištenju programskih sredstava.

Program pripremio:
Nevres Kamberović, dipl ing. polj.

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Alma Halilović, dipl. ecc.